

სახელმწიფო შესყიდვის შესახებ ხელშეკრულება №187

2 დეკემბერი 2014 წელი

ქ. წალენჯიხა

ერთის მხრივ, წალენჯიხის მუნიციპალიტეტი (შემდგომში – შემსყიდველი), წარმოდგენილი მუნიციპალიტეტის გამგებლის გოგა გულორდავას სახით და მეორეს მხრივ, ინდ. მეწარმე „რამინ ფიფია“ (შემდგომში – მიმწოდებელი), წარმოდგენილი მისი ხელმძღვანელის რამინ ფიფიას სახით, სახელმწიფო შესყიდვების შესახებ საქართველოს კანონის მე-10 პრიმა მუხლის მესამე პუნქტის „დ“ ქვეპუნქტის თანახმად ვდებთ წინამდებარე ხელშეკრულებას შემდეგზე:

**1. ხელშეკრულების საგანი**

1.1. ხელშეკრულების საგანია საქართველოს მთავრობის 2014 წლის 7 ნოემბრის № 2033 განკარგულებით წალენჯიხის მუნიციპალიტეტისათვის სტიქიის შედეგების სალიკვიდაციოდ გამოყოფილი თანხებიდან მთლიანი ან ნაწილობრივი სამშენებლო სამუშაოები (CPV კოდი 45200000), წინამდებარე ხელშეკრულებით გათვალისწინებული პირობების შესაბამისად, შესყიდვის საშუალებაა გამარტივებული შესყიდვა.

**2 შესყიდვის ობიექტის ტექნიკური დავალება**

2.1. შესყიდვის ობიექტია: საქართველოს მთავრობის 2014 წლის № 2033 განკარგულების გამოყოფილი თანხებით გათვალისწინებული წალენჯიხის მუნიციპალიტეტში სოფელ მუჟავაში წყალგამტარი სწორკუთხა 3X2 მ მონოლითური რკინა-ბეტონის მილის მოწყობის (27494. 16) ლარი, სწორკუთხა გადასასვლელის 1X1მ მოწყობის (10905. 65) ლარი, მეტალის ხიდის საყრდენის მოწყობის (2428. 64) ლარი და მდინარე ოლორზე ჩასასვლელ-ამოსასვლელის მოწყობის (9485. 25 ლარი) სამუშაოები.

**3. ხელშეკრულების საერთო ღირებულება**

3.1. შესყიდვის ობიექტის ფასი განისაზღვრება ეროვნულ ვალუტაში (ლარებში).  
3.2. შესყიდვის ობიექტის სავარაუდო ღირებულებაა 50313.70 (ორმოცდაათათასსამასცამეტი) ლარი და 70 თეთრი.

**4. შესყიდვის ობიექტის ხარისხი და გარანტია**

4.1. მიმწოდებელი იძლევა გარანტიას, რომ შესყიდვის ობიექტების ხარისხი უპასუხებს ამ სფეროში არსებულ თანამედროვე სტანდარტებს და ტექნიკურ ნორმებს 5 (ხუთი) წლის განმავლობაში.  
4.2. მიმწოდებელი ვალდებულია ობიექტის ექსპლუატაციის პროცესში წარმოქმნილი ხარვეზები გამოასწოროს საკუთარი სახსრებით 5 (ხუთი) წლის განმავლობაში.

**5. შესყიდვის ობიექტის მიწოდების ვადები, ადგილი და პირობები**

5.1. შესყიდვის ობიექტის მიწოდების ვადაა ხელშეკრულების გაფორმებიდან 2015 წლის 16 მარტამდე,  
5.1.1 შესყიდვის ობიექტის მიწოდების ადგილია: წალენჯიხის მუნიციპალიტეტი მუჟავას თემი  
5.2. შესყიდვის ობიექტის მიწოდების პარალელურად, მიმწოდებელი ვალდებულია უზრუნველყოს თანმხლები დოკუმენტაციის წარდგენა შემსყიდველისათვის (საგადასახადო ანგარიშფაქტურა).

**6. შესყიდვის ობიექტის მიღება-ჩაბარების წესი**

6.1. შესყიდვის ობიექტის მიღება ფორმდება მიღება-ჩაბარების აქტით, რომელიც დადასტურდება წალენჯიხის მუნიციპალიტეტის გამგებლის და მიმწოდებლის მიერ უფლებამოსილი წარმომადგენლების ხელმოწერებით.

**7. ანგარიშსწორების ფორმა, გრაფიკი (ვადები) და ადგილი**

7.1. მიმწოდებელთან ანგარიშსწორება განხორციელდება ლარებში.  
7.2. ანგარიშსწორება განხორციელდება ეტაპობრივად, 3 ეტაპად, პირველ ეტაპზე ფაქტიურად შესრულებული სამუშაოების მოცულობის შესაბამისად (საერთო თანხის 30 %-ის ოდენობით), რომელიც დადასტურებული იქნება უფლებამოსილი წარმომადგენლების ხელმოწერით (შერსრულებული სამუშაოების აქტი ფ №2, ფ №3, ექსპერტიზის აქტი, ინსპექტირების ჯგუფის შუალედური აქტი, ფარული სამუშაოების აქტი და შუალედური მიღება-ჩაბარების აქტი), მეორე ეტაპზე (საერთო თანხის 60 %-ის ოდენობით) რომელიც დადასტურებული იქნება უფლებამოსილი წარმომადგენლების ხელმოწერით (შერსრულებული სამუშაოების აქტი ფ №2, ფ №3, ექსპერტიზის აქტი, ინსპექტირების ჯგუფის შუალედური აქტი, ფარული სამუშაოების აქტი და შუალედური მიღება-ჩაბარების აქტი), საბოლოო ანგარიშსწორება სამუშაოების დასრულების შემდეგ, შესაბამისი დოკუმენტების (ფორმა №2, ფორმა №3, ინსპექტირების ჯგუფის აქტის, ექსპერტიზის აქტის, საბოლოო მიღება-ჩაბარების აქტის და საგადასახადო ანგარიშფაქტურა) წარმოდგენიდან 15 საბანკო დღის განმავლობაში.

7.3. ავანსის სახით წინასწარი ანგარიშსწორება შესაძლებელია განხორციელდეს ხელშეკრულების საერთო ღირებულების 30 % ოდენობით საბანკო გარანტიის წარმოდგენის შემთხვევაში. გარანტია გაცემული უნდა იყოს საბანკო დაწესებულების ან სადაზღვევო კომპანიის მიერ და გარანტიის

მოქმედების ვადა 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას.

7.4. ექსპერტიზის ხარჯების ანაზღაურებას უზრუნველყოფს მიმწოდებელი საკუთარი სახსრებით.

#### **8. მხარეთა უფლება-მოვალეობანი**

8.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.

#### **8.2. შემსყიდველს უფლება აქვს:**

- განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.

#### **8.3. შემსყიდველი ვალდებულია:**

- დროულად და კეთილსინდისიერად შეასრულოს ხელშეკრულებით ნაკისრი ვალდებულებები.
- მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;
- ინსპექტირების ჯგუფი ვალდებულია აწარმოოს მიმდინარე სამუშაოების პერიდული დათვალიერება და ანგარიშსწორების ყოველ ეტაპზე წარმოადგინოს ფარული სამუშაოების აქტები.
- უზრუნველყოს შესყიდვის ობიექტის მიღება.

#### **8.4. მიმწოდებელს უფლება აქვს:**

- მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული პირობებით.

- გადაუხდელობის შემთხვევაში მოსთხოვოს ანაზღაურება ყველა საჯარიმო სანქციით გამოწვეული ზარალისა სახელმწიფო ბიუჯეტთან ანგარიშსწორებისას.

#### **8.5. მიმწოდებელი ვალდებულია:**

- სამუშაოები დაიწყოს ხელშეკრულების გაფორმებიდან მომდევნო დღეს.
- წარუდგინოს შემსყიდველს ფოტო მასალა რომელზეც ასახული იქნება სამუშაოების დაწყების, მიმდინარეობის და დასრულების ეტაპები.
- დროულად და კეთილსინდისიერად შეასრულოს ხელშეკრულებით ნაკისრი ვალდებულებები.
- დაიცვას ხელშეკრულებით გათვალისწინებული ყველა პირობა.
- მიაწოდოს შემსყიდველს ხელშეკრულებით გათვალისწინებული შესყიდვის ობიექტი ხელშეკრულების მე-5 მუხლში გათვალისწინებულ ვადებში.

#### **9. მხარეთა პასუხისმგებლობა ხელშეკრულების დარღვევისას**

9.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

9.2. თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

9.3. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4. ხელშეკრულებიდან გასვლასთან და ზიანის ანაზღაურებასთან დაკავშირებით შესაბამისად გამოიყენება საქართველოს სამოქალაქო კოდექსი.

9.5. ხელშეკრულებით გათვალისწინებული ვალდებულების შეუსრულებლობის ან ვალდებულების შესრულების ვადების დარღვევის შემთხვევაში, დამრღვევ მხარეს დაეკისრება პირგასამტეხლოს გადახდა ვალდებულების შესრულების ყოველ ვადაგადაცილებულ დღეზე ხელშეკრულების საერთო ღირებულების 0,15 % ის ოდენობით.

#### **10. ხელშეკრულების მოქმედების ვადა**

10.1. ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან 2015 წლის 15 აპრილამდე

#### **11. ხელშეკრულების პირობების გადასინჯვის შესაძლებლობა**

11.1. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით, ასევე იმ შემთხვევებში, რომლებიც მითითებულია წინამდებარე ხელშეკრულების მე-12 მუხლში.

11.2. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების სავარაუდო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

#### **12. ფორს-მაჟორი**

12.1. მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორცაა

წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ.

12.3. მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს.

**13. დაგები და მათი გადაწყვეტის წესი**

13.1. ხელშეკრულების შესრულებისას მხარეთა შორის წამოჭრილი დაგები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

13.2. იმ შემთხვევაში, თუ შემსყიდველი და მიმწოდებელი ურთიერთშორის მოლაპარაკებისას ვერ მიაღწევენ შეთანხმებას, შემსყიდველი იტოვებს უფლებას ცალმხრივად შეწყვიტოს ხელშეკრულების მოქმედება, ხოლო მხარეებს უფლება აქვთ მიმართონ სახელმწიფო შესყიდვების სააგენტოს ან სასამართლოს, საქართველოს მოქმედი კანონმდებლობით დადგენილი წესით.

**14. ხელშეკრულების ინსპექტირების პირობები**

14.1. შემსყიდველი ორგანიზაცია უფლებამოსილია აწარმოოს შესრულებული სამუშაოების ხარისხის, მიმდინარეობის და ვადების ინსპექტირება, ხელშეკრულების ინსპექტირებას შემსყიდველის მხრიდან განახორციელებს, წალენჯიხის მუნიციპალიტეტის გამგებლის ბრძანებით შექმნილი ინსპექტირების ჯგუფი.

**15. სხვა პირობები**

15.1 ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობის შესაბამისად.

15.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.3. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი მიმწოდებელთან, ერთი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

**16. სუბკონტრაქტორები**

16.1. მიმწოდებელმა უნდა აცნობოს შემსყიდველს მოცემული ხელშეკრულების ფარგლებში დადებული ყველა სუბკონტრაქტის შესახებ და მოთხოვნის შემთხვევაში წარუდგინოს შემსყიდველს სუბკონტრაქტორების მონაცემები.

**17. მხარეთა იურიდიული მისამართები და რეკვიზიტები**

**„შემსყიდველი“**

წალენჯიხის მუნიციპალიტეტი  
ს. კოდი 242739248  
მისამართი: ქ. წალენჯიხა სალიას  
ქ. №5. II სართული  
.ს.ს. „ლიბერთი ბანკი“ წალენჯიხის  
ფილიალი ბ. კოდი LBRTGE22  
ა/ა GE22LB0120179460264000  
ტელ: 599 85 77 77




ზოგა გულგორდავა

**„მიმწოდებელი“**

ინდ. მეწარმე „რამინ ფიფია“  
ს/კოდი 51001022183  
მისამართი: წალენჯიხა, ს. მუჟაგა,  
ს.ს. „ლიბერთი ბანკი“ წალენჯიხის  
ფილიალი  
ბ. კოდი LBRTGE22  
ა/ა GE62LB0112111217035000

ტელ: 599 27 79 36



რამინ ფიფია